

綏遠旗志

序

今天下各省以至府廳州縣凡其疆域山川與夫風土人物之類莫不各有方志以備載之所以存故實資考證也

穀  
目壬寅歲督壑來邊癸卯復奉

命留守綏遠公餘之暇取署中舊藏書籍均為瀏覽而此邦志

乘竟致闕如不勝悵歎溯自漢唐以迄有明蒙部之為邊

患幾如榻側卧虎防不勝防我

列祖

列宗智周慮遠不憚親履邊庭張皇六師用使倔強負固之雄咸

歸稽首稱臣之列我

國家二百餘年來晏然無西顧之憂何其盛也今世變極矣而談時務者競言江海修鄰好者馳逐亞歐獨此西北一隅曩恃爲藩籬之固者今竟域外置之夫亦良可慨已穀自承乏以來遠鑑

列聖之所經營近念中原之多故爰擬創修綏志俾此邦文獻不致湮沒無徵乃於丁未仲春延致甯河高谿亭先生總司纂輯適歸化文副都護潤齋歸綏胡觀察公度均欲爲所屬作志而介穀爲之請先生咸允之凡七閱月而書成計綏遠志十卷土默特志十卷業經先後刊竣歸綏道志四十卷尙未付梓復於各志外爲編墾政記甫經著筆以時

將入冬邊地甚寒恐非高年所宜送之歸里俟纂訂成書  
再付手民是役也蓋自數年來卽有志焉而未逮者也今  
乃得償所願何幸如之惟事屬草創疏漏良多擇精語詳  
俟之來者因綴其原起以弁簡端云爾

光緒三十四年歲在戊申正月吉林貽穀

Blank columns containing faint bleed-through text from the reverse side of the page.

總裁

欽命督辦蒙旗墾務大臣理藩部尙書銜綏遠城將軍貽穀

提調

分巡歸綏兵備道總理旗民蒙古事務胡孚宸  
總纂

子假太常寺少卿高賡恩

參閱

鎮守歸化城等處地方副都統文哲璋

軍機處存記花翎奉天候補道張光胤

花翎二品銜江西候補道李雲慶

花翎 山東 候 補 道 斌 儀

分修

分 省 試 用 知 縣 李鴻樵

分 省 試 用 府 經 歷 田智楷

花翎 道 銜 分 省 試 用 同 知 姜言修

贊訂

花翎 分 省 候 補 知 府 陳光遠

花翎 分 省 候 補 知 府 馮汝玠

花翎 雲 南 候 補 知 州 景 禔

採輯

花翎副都統銜綏遠城協領景秀

花翎綏遠城協領阿克敦

花翎知府銜山西卽補直隸州知州綏遠城駐防穆騰武

藍翎揀選知縣綏遠城驍騎校音德納

綏遠城驍騎校合色賁

前署歸化廳同知伐州直隸州知州劉鴻逵

署歸化廳同知武鄉縣知縣張嘉楨

署歸化廳同知花翎候補直隸州知州林毓杜

署武川廳同知魏銓

署薩拉同齊廳同知屠義矩



署五原廳同知花翎候補知府姚學鏡

署豐鎮廳同知李保邦

署興和廳同知花翎候補知府陳時雋

署甯遠廳同知花翎候補直隸州知州甯存校

署陶林廳通判賈相

署清河廳通判吳福麟

署托克托廳通判任秉銓

署和林格爾廳通判余寶滋

署歸綏七學教諭常毓珍

土默特叅領都克爾扎布

採訪

歸化關總辦花翎山西候補知府豫臨

花翎山西候補直隸州知州呂繼純

署和林格爾廳通判同知銜候補知縣喬樾蔭

藍翎同知銜直隸州用山西補用知縣焦連城

五品銜代理托克托廳通判大挑知縣曾茂林

總校兼分纂

分省候補直隸州知州黃桂棻

分省試用知府經歷田智楷

校正

花翎 分省 候補 知府 王德榮

分省 候補 直隸 州 知州 宋乃楫

花翎 同知 銜 山西 候補 知縣 張光翊

大挑 舉人 候選 教諭 胡孚巽

同知 銜 分省 候補 知縣 劉懷岳

分省 候補 知縣 白堯

分省 候補 知縣 喬桐蔭

直隸 試用 知縣 閻毓善

五品頂戴 江蘇 試用 道 庫大 使 董其濬

五品頂戴 國子 監 典簿 高塾

直隸試用縣丞楊芳

候選府經 歷武憲會

藍翎四品銜綏遠城防禦吉蘭

譯文

土默特 叅領都克爾札布

五品頂戴察哈爾正紅旗人色普徵額

星算

分省候補直隸州知州黃桂茶

繕文

藍領五品頂戴綏遠城駐防榮年

七品頂戴綏遠城駐防全貴

七品頂戴綏遠城駐防桂森

七品頂戴綏遠城駐防存秀

七品頂戴綏遠城駐防海瑞

五品頂戴綏遠城駐防那音泰

八品頂戴綏遠城駐防廉普

八品頂戴綏遠城駐防恩年

藍翎五品頂戴綏遠城駐防永秀

七品頂戴綏遠城駐防瑞華

藍翎五品頂戴土默特驍騎梭富林

五品頂戴府經歷銜綬遠城駐防鐵麟

測繪

花翎游擊銜管帶陸軍候補都司胡恩光

藍翎五品頂戴綬遠城駐防經武

藍翎五品頂戴協軍校綬遠城駐防麟祥

藍翎五品頂戴協軍校綬遠城駐防連貴

藍翎七品頂戴協軍校縣丞職銜綬遠城駐防國奇麟

藍翎七品頂戴協軍校綬遠城駐防恩綿

藍翎七品頂戴協軍校綬遠城駐防崇山

藍翎六品頂戴協軍校綬遠城駐防英隆

藍翎六品頂戴綬遠城駐防錫秀

藍翎七品頂戴綬遠城駐防松壽

監刊

五品頂戴候選府經歷李登瀛

綏遠志目錄

卷首

帝制紀

詔諭

宸翰

附綏署所藏書籍

凡例

卷一

疆界公所圖

疆域沿革表

詳見歸綏志

卷二

山水

城垣 道里附



卷三

故城郡縣考

卷四

官制考

職官表

官制兵制表

世職表

俸餉表

卷五

經政略

五司所職總記  
附近政

卷六

學制

選舉表

仕宦表

封蔭附

學堂各表

卷七

宦績使節附  
費大將軍集錄附

卷八

人物忠節  
義行 孝友

卷九

烈女烈婦  
孝女 節婦

卷十

方言蒙語類譯



綏遠旗志卷首

帝制紀一 外見歸綏全道志

詔諭

雍正三年三月十七日

上諭治道莫尚於風化而節行實風化之首故旌揚盛典歷


代崇之凡以闡幽光而彰至教也朕卽位以來拳拳以敦

教化勵風俗爲務恩詔中勅令旌表節義使寒苦守節之

家均沾恩澤嗣又頒發諭旨至再至三誠欲地方有司加

意採訪俾深山窮谷之中側微幽隱無一不大顯於斯世

也但每見直省舉節俱係民間婦女而營伍中絕少夫海



內營伍中其矢志勵操艱苦備嘗以完節行者斷不乏人而向來罕聞舉報豈以旌典例由生員具呈教官具結而教官生員與兵丁聲氣渺不相通無由眞知灼見故舉報寥寥耶朕於兵丁一視同仁而兵之與民其秉彝好德之心濯磨激勸之道又未嘗有二營伍中節烈或竟湮沒不彰朕甚憫焉夫生儒與戎伍旣恐聲氣不接而風化之原要未有不起於學校者必如何而使兵民一體凡營伍中節行貞烈之婦女盡得舉報不致冒濫亦不致隱漏舉向來湮鬱未著之幽芳並邀國家旌揚之盛典著九卿等詳議具奏以副朕廣勵風節至意特諭欽此

乾隆二年綏遠城將軍遵奉

勅書兼管右衛官兵歸化城土默特官兵如有需用綠旗官兵之處於大同宣化二鎮綠旗官兵內聽其酌量調遣

乾隆五年副都統汪渣爾

奏奉

諭旨將殺虎口驛站事務交綏遠城建威將軍兼管稽查

乾隆八年四月准兵部咨本部議

奏奉

諭旨嗣後駐防協領于到任之日起扣滿三年送部引

見

乾隆九年經巡查歸綏太僕寺員外郎保全

奏奉

諭旨歸化城土默特地方安設卡倫之處著令建威將軍派

委官員兵丁不時前往巡查

乾隆十一年奉

旨有副都統二員並將軍三員處所三年內著每年一員引

見

乾隆十七年五月准兵部咨大學士傅等具奏奉

旨盛京西安江甯京口綏遠城將軍並天津都統熱河副

都統俱用廂黃旗色船廠甯夏青州將軍並山海關副都

統俱用正黃旗色黑龍江涼州將軍並成都副都統俱用

正白旗色

乾隆二十二年五月內奉奉

上諭將軍轎夫裁革應裁汰八名僅設執事人役四十八名  
每月應領人役工食銀二十四兩

乾隆二十六年奉

上諭烏里雅蘇台住存綏遠城右衛兵一百名自二十一年  
起已經存住五年理應更換就近由綏遠城挑選佐領一  
員驍騎校一員帶領兵五十名作爲三年更換一次  
乾隆二十七年奉

旨各省協領三年俸滿引

見後再過六年分別該協領或陞副都統或陞城守尉著該  
將軍出具考語送部引



見

乾隆三十年奉

旨協領年滿引

見該將軍等不必分別堪陞何任仍照舊給咨引

見欽此現係遵照四十四年頒到八旗則例仍係六年分滿

送部引

見

乾隆五十年十二月奉

旨嗣後將軍一員副都統二員省分仍照舊每年一員輪班

進京外其副都統一員處所亦照定例三年一次來京將

軍一員副都統一員處所將軍進京後間一年再著副都  
統來京副都統來京後將軍亦著間一年進京

乾隆五十八年准兵部咨奉

上諭嗣後各省駐防軍政卓異官員只將協領保送其佐領  
等官俱不卓異保送以節糜費

乾隆五十八年十二月奉

旨嗣後外住將軍副都統年班進京務于封印前後到京不  
必早來

乾隆五十九年奉

上諭嗣後各省將軍副都統如遇年班卽照例前來不必預

續通志 卷首 四  
先專摺具奏但將印信交與某人署理之處令其報部以備察核

乾隆六十年十二月准兵部咨各省將軍副都統

陛見將起程日期報部到京之日亦卽報部

嘉慶四年准兵部咨軍機大臣議 奏各省駐防驍騎校防禦佐領協領等並無陞遷別路此內不乏可用之材如有實在出色人員准令該將軍等保送兵部帶領引

見倘有記名人員遇有綠營缺出與在京八旗人員一體錄用等因一摺奉

旨依議

嘉慶五年正月准兵部咨奉

上諭嗣後督撫提鎮藩臬除奉特旨諭令其來京外其曾經見朕者總俟三年後再行奏請入覲卽有陞調亦不必陳請陞見各省將軍除年例輪班來京外其有陞調他省者均一體遵行

嘉慶五年奉

上諭外省將軍副都統跟隨人等並無數目嗣後外省將軍只准挑領催二名甲兵十名充當戈什哈跟隨副都統只准挑領催一名甲兵六名充戈什哈跟隨不得任意挑取官員跟隨此次訓諭之後將軍副都統倘敢多挑戈什哈

或挑官員跟隨者一經查出務必從重治罪決不寬貸也  
欽此

嘉慶五年九月二十六日准兵部咨本部具奏酌請嗣  
後軍政之期所有駐防世職驍騎校仍停止薦舉外其佐  
領防禦仍照舊例入於軍政考驗如有賢能出色之員准  
其一體薦舉以昭甄敘等因一摺奉

旨知道了 本處每遇軍政卓異官員定例止准保薦二員  
嘉慶十年奉

上諭嗣後挑選協領佐領等缺擬正擬陪務須斟定著有勞  
績熟字意通曉滿蒙話語騎射兼優辦事能幹者准其送

京入覲倘有送京人等內才學不佳不能辦事或將會經  
出征勞績優長人員擬陪等弊該副都統等務須更正聲  
明叅奏

嘉慶十一年五月內奉

上諭據河南河北鎮總兵蔡弼奏所屬弓馬守兵丁內挑選  
年力精壯者兼習長矛以備臨陣之用等語今旣陳奏及  
此事屬可行著交各省將軍督撫如何酌定額兵演習之  
處妥議具奏欽此前任將軍春 議以本城精壯前鋒二  
百名兼習長矛之處具 奏

咸豐九年十月奉

上諭前據綏遠城將軍成凱奏請酌減大青山後牧地租銀  
當交戶部議奏茲據奏稱大青山後沙拉穆楞等處地畝  
磽薄原定租額過重以致地戶逃棄租銀拖欠請照該將  
軍等所議將租額酌減等語所有大青山後牧廠租銀著  
照議減爲每畝徵銀二分一釐五毫以紓民力經此次議  
減之後務須年清年款其舊欠租銀應如何分年帶徵之  
處著該將軍等體察情形報部核辦從前經徵官員雖有  
侵那情弊究屬催徵不力著查取職名交部議處此後經  
徵各員儻敢仍前玩泄卽著照大同朔平二府徵收糧石  
例議處餘依議

綏遠志卷首

帝制紀二

宸翰

康熙

年

聖祖仁皇帝御製彙宗寺諭各盟蒙古碑文

我國家承天順人統一寰宇溥海內外悉寶悉臣自

太祖

太宗握樞秉軸駕馭風雲蒙古諸部相繼効順暨於朕躬克

受厥成前所未格罔不思服惟喀爾喀分部最多而又強

盛朕綏德輯威薰陶漸革二十餘載七家之眾旣震且豫



咸來受吏乃除其頑梗扶其良弱錫之封爵畀以土疆朕親北巡以鎮撫之於康熙庚午之秋大宴賚於多倫諾羅四十八家名王君長世官貴族靡不畢集拜觴起舞稽首踴躍蓋至是而要荒混同中外一家矣酺賜既畢合辭請曰斯地川源平行水泉清溢去天閑芻牧之場甚近而諸部在瀚海龍堆之東西北耆道里至此亦適相中而今日之宴賞敷錫合萬國以事一人又從古所無也願建寺以彰盛典朕爲之立廟一區令各部落居一僧以住持朕或間歲一巡諸部長於此會同述職焉至於今又二十餘年矣殿宇廊廡鐘臺鼓閣日就新整而居民鱗比屋廬望接

儼然一大都會也先是寺未有額茲特允寺僧之請賜名曰彙宗蓋四十八家家各一僧佛法無二統之一宗而會其有極歸其有極諸蒙古恪守侯度奔走來同猶江漢朝宗於海其亦有宗之義也夫是爲之記以垂永久云

康熙三十九年

聖祖仁皇帝御製平定青海詔

朕君臨天下早夜孳孳勤求治理惟恐一夫不獲其所初未嘗有歧視中外輕事兵戎遠伐異域之事厄魯特噶爾丹向與七旗喀爾喀同奉職貢嗣因兩國交鄰構兵喀爾喀汗等爲所敗劔叩關內附噶爾丹乃借辭追擊闖入我

邊境恣行狂逞朕屢頒勅諭令其悔罪自新而狡寇不知  
省悟益肆鴟張其逆謀叵測實有幅處近塞窺伺中原之  
漸朕思此寇包藏禍心倘不卽行撲滅則異日必緣邊設  
防重滋民困何如及時聲討立靖根株於是昭告

天地

宗社躬統禁旅不憚勤勞三出塞外去年夏賊踞克魯命河  
自度力不能抗倉皇宵遁朕親追至土喇河適西路大兵  
遮截其後擊敗之於昭木多賊勢大挫冬月復駐蹕鄂爾  
多斯收撫其降眾遏絕其外援而賊益困蹙機會所在刻  
不可失遂以今年春西巡邊境從甯夏出塞遣發大兵兩

路進剿而西海烏思藏人等皆先後輸忱自效哈密國人  
又俘獻噶爾丹之子於行在噶爾丹窮迫已極一聞大軍  
壓境計無復之於阿爾阿穆塔台地方飲藥自盡揆諸料  
敵成謀適相符合自此寇氛盡滌邊圉永安而朕爲民除  
害不得已而用兵之意亦可曉然共喻於天下臣民矣武  
功告成之會正太和殿鼎建工竣巍煥方新臨御伊始協  
氣集於九重觀瞻肅於萬國是用覃敷慶澤以上答  
郊廟社稷之靈下愜中外人心之望所有事宜開列於後於  
戲懋武功而敷文德聿臻熙皞之風建宸極而鞏皇圖永  
慶平成之治誕告中外咸使聞知

雍正三年五月

世宗憲皇帝御製平定青海告成太學碑

我國家受

天眷命撫臨八極日月所照罔不臣順遐邇乂安兆人蒙福  
乃有羅卜藏丹津者冥先世固始汗自國初稽首歸命當  
時使臣建議畀以駐牧之地其居雜番羌密近甘涼我

皇考聖祖仁皇帝睿慮深遠每厯於懷既

親御六師平定朔漠威靈所加青海部落札什巴圖兒等震

誓承命

聖祖仁皇帝因沛殊恩封爲親王兄弟八人咸錫爵祿羈縻

包容示以寬大而狼心梟性不可以德義化三十年來包  
藏異志朕紹登寶位優之錫賚榮其封號尙冀革心輯甯  
部眾而羅卜藏丹津昏謬狂悖同黨吹拉克諾木齊阿爾  
布坦温布藏巴札布等寔爲元惡謂國家方弘浩蕩之恩  
不設嚴密之備誕敢首造逆謀迫脅番羌侵犯邊城反狀  
彰露用不可釋於天誅遂命川陝總督太保公年羹堯爲  
撫遠大將軍聲罪致討以雍正元年十月師始出塞自冬  
涉春屢破其眾凡同叛之部落戈鋌所指應時摧敗招降  
數十萬眾又降其貝勒貝子公台吉等二十餘人朕猶憫  
其蠢愚若悔禍思愆束手來歸尙可全宥而怙惡不悛負

險抗違乃決剪滅之計以方略密付大將軍羹堯調度軍  
謀簡稽將士用四川提督岳鍾琪爲奮威將軍於仲春初  
旬禡牙徂征分道深入搗其窟穴電掃風驅搜剔巖阻賊  
徒蒼黃靡潰窮蹙失據羅卜藏丹津之母及逆謀渠魁悉  
就俘執擒獲賊眾累萬牲畜軍械不可數計賊首逃遁我  
師逾險窮追獲其輜重人口殆盡羅卜藏丹津子身易服  
竄匿荒山殘喘待斃自二月八日至二十有二日僅旬有  
五日軍士無久役之勞內地無轉輸之費克奏膚功永清  
西徼三月之朔奏凱旋旅饒鼓喧轟士眾訢喜四月十有  
二日以得逆之吹拉克諾木齊等三人獻俘

廟

社受俘之日臣民稱慶伏念

聖祖仁皇帝威靈震於遐方福慶流於奕葉用克張皇六師  
殄滅狂賊行間將士亦由感激

湛恩厚澤爲朕踴躍用命斯役也芟夷凶悖綏靖番羌俾烽  
燧永息中外人民胥享安阜實成

先志以懋有不續廷臣上言稽古典禮出征而受成於學所  
以定兵謀也獻馘而釋奠於學所以告凱捷也宜刊諸珉  
石揭於太學用昭示於無極遂爲之銘曰天有雷霆聖作  
弧矢輔仁而行威遠甯邇維此青海種類實繁錫之茅土



聖祖慮遠智周隘念荒服綏撫懷柔朔野旣清西陲攸震爵  
列在藩垣被我寵光位崇祿富負其阻遐禍心潛構恭惟  
號存加示之恩信如何兇狡造謀逆天鼓動昏孽寇侵於  
邊惟彼有罪自干天罰桓桓虎貔爰張九伐王師卽路冬  
雪初零日耀組練雷響輦鉦蠢茲不順敢逆我旅奮張螳  
臂以當齊斧正如山嶽疾如雨風我戰則克賊壘其空彼  
昏終迷曾不悔戾當剪而滅斯焉決計厲兵簡將往擣其  
巢踰歷嶽峴垣若坳郊賊棄其家我縶而獲牛馬谷量器  
仗山積蹇兔失窟何所逋逃枯魚遊釜假息煎熬師以順  
動神明所福旬日凱歸不疾而速殪彼逆謀懸首藁街獻

俘成禮金鼓調諧西域所瞻此惟雄特天討既申羣酋惕  
息橐戈偃革告成辟雍聲教遐暨萬國來同惟我

聖祖親平大漠巍功煥文邁桓軼酌流光悠久視此銘辭繼  
志述事念茲在茲

臣謹案

十朝聖訓與

列聖宸翰之垂及

欽定經史各編瑤函錦贖金璫琳琅充滿宇宙固史志之所

不能詳矣惟是

六飛載降特沛綸音暨乎勒銘燕然紀功瀚海

鸞輿憑眺酒丹毫其繫乎此邦之治理垂金石而被絃歌者所當緜裘藏之球圖奉之蓋日星與之爭耀山嶽與之並峙焉於是敬繕以弁篇首在

詔諭之次亦一畿輔志例也其緣綏軍政而發與頒書新城者專入旗乘其爲塞上所共如

御製青海之作亦並錄歸志中示臣下以無忘

武功也臣謹識

綏遠志卷首

帝制紀三

宸翰

將軍署所尊藏

太祖高皇帝聖訓清十六冊漢十六冊

太宗文皇帝聖訓六冊

世祖章皇帝聖訓六冊

聖祖仁皇帝聖訓共一百八十二冊又六函

世宗憲皇帝聖訓清漢三十六冊

世宗憲皇帝聖訓清漢共一百四十四冊

上諭共四十五冊又清漢各一函十四冊

欽定八旗則例清漢各三冊

上諭清文共七十冊

廷寄三道

萬壽聖典四函

御製木蘭記一卷

御製八旗箴一卷

御製八旗簡明語一卷

御書墨刻四言韻文一卷

綏遠志書籍考

將軍署所收藏

雍正旗務議覆五十九冊又三十七冊又八冊

中樞政考漢二函清二函各十冊又清漢各一函各七冊

大清會典漢十四函二百五十冊又十四函共二百三十

九冊

清字大清例二函四十七冊又二冊

漢字大清例二函四十七冊又二冊

大清律集解附例二十冊又十九冊

清通誌十六函共一百五十冊又一百三十四冊又一百

三十四冊

清字續纂大清例二函五冊又二冊

漢例訓九冊

漢氏族通譜二函四十九冊又二十六冊又一函又二冊

又一函又二冊

清氏族通譜三函四十六冊又二十六冊

豫工直賑捐例一冊

清字行軍例二函六冊又續纂二函五冊

欽定八旗則例清漢各三冊

蒙古例四冊

漢八旗通誌二十函五百冊

兵部條例八冊

清例訓一百二十七冊又五十一冊又四十冊

漢兵部則例二函八冊

行軍則例二冊

洗冤錄一函四冊

督捕則例四冊

續纂條例二冊

詩經樂譜二十一冊

清八旗則例一函四冊



處分則例一冊

漢處分例二函二十四冊

旗務奏議五十三冊

管辦右出左司舊稿乃當年

頒發原額後經戊戌秋霖書庫滲漏損溼舊帙已過半矣

丙午八月清查立案

綏遠志卷首 凡例

序例

一綏遠歸化向無志乘山西通志作於康熙二十一年其時尚無歸綏各屬惟右衛官兵略一及之雍正十一年朔平志出乃載右衛與歸化城事乾隆中續統志始有歸綏一境新通志成於光緒十七年乃著綏遠旗事而並及一道七廳然第述大端鮮列條目今綏遠將軍轄境愈廣歸屬又增新五廳乃議剏修綏遠暨道廳並土默特各志惟文獻無徵聖賢猶難簡略之譏其不免哉

一引用舊編求其有關於茲土者蓋不多得自續統志  
續通志朔平志外以張小園識略爲要此外綏城及  
諸廳採訪各錄詳略不同然摭拾零星悉資腋集

興朝謨烈累簡難詳惟

親征之舉屬之歸境者錄焉

詔書

御製作於斯頒於斯或屬全道或藏軍府非他郡所有者敬

誌篇首不敢雜入分門中尊曰

帝制畿輔志之例也

一將軍以下分官六十餘屬蔚爲重鎮與地方有司分  
施而馳自右衛徙綏以來旗務綦繁材行競曜故自  
成一編其職官以土默特副都統右衛城守尉附將  
軍之次糧餉分府盈甯庫大使雖兼道事實隸綏城  
皆附焉至旗員並世職員名累萬無籍可詳只紀今  
名以著其概其土默各官更倍於綏亦用茲例

一綏軍各政代有可採而近日時務較煩軍府經畫尤  
詳故於籌綏與蒙輯爲二卷殿綏志之後以省鉛槧  
一綏遠五協領各署一司旗志事體不似郡邑之繁因  
各以其司繫之不轄於司者如疆域官制山水城池

新志 卷首  
之類選舉宦績人物之屬皆另爲編土默特有戶司  
兵司亦準此類

一近年新法代興學堂巡警陸軍之類經費浩繁大紆  
籌策綏遠軍府於此旣竭其忠而仍於所部兵民力  
拯其疲敝之舊是以百務具舉悉數難終茲於其故  
有者用案語附各條之末其未有者乃起其例爲觀  
新政者樹之幟焉

一綏志略以封廕附選舉之後脗合畿輔等志例不錄  
貢生亦不及廩增附於選舉錄一並仍之若歸志獨  
詳焉者建學已晚以罕而珍故不同也

一宦績人物存者不錄公例也按綏志略紀軍府政績附以欽使只寥寥數公本乏阿好溢美之虞至糧儲司馬二百年來祇存其一而如文清勤直尤彪炳人寰不可湮沒者 見在諸公不合著錄之例祇可俟諸後之君子惟其人旣隱或官已罷其有實政可紀仍得附誌以存公評

一費大將軍烜赫史冊塞上父老能言之而訛傳之事頗似年將軍又冊有一費一伯費故并存諸說以張其本俟夫後之知言論世者

一廉俸薪餉列表附官職之後其武職已汰者略焉今

總志 卷首 三  
日陸軍巡警皆所以易兵政之舊因並籍其薪餉以著成規

一綏之駐防將弁移自京師首善之區文學而外節烈尤著故分年以隆其綽楔分族以表其閥閱爲歸化諸廳風

一自二十八年今將軍貽公以少司馬奉

命督辦蒙旗墾政於今六年放地千餘里縱橫十萬頃之外決渠枝幹數百邊屯大啟農氓蟻集增租賦以鉅萬計曠代所希不可不記於是徵墾制攷局章圖經界志河渠根諸奏牘按諸文告爲記四卷以當嚆矢

之先聲

一內蒙旗四十九外蒙旗八十六及青海諸旗皆我

朝藩封也疆臣實司之況土默一部及伊烏兩盟本爲綏  
軍府暨都護所統轄口外諸廳實治其人民墾政大  
臣奉

命實邊闢茲土地治茲田野又烏可視爲化外故先爲土默  
特一志又列藩部疆域藩部世系各一冊分遣使馳  
驟蒙疆稽諸曩冊羅厥新聞遵一統志增新疆藩部  
之例以揚

聖化而拓鴻基



一故城廢縣之多與夫舊郡縣若軍若鎮若州若衛之盛推歸綏爲最而牧廠察哈爾之境及伊烏兩盟之旗亦間有所聞雖不能深攷其基址詳辨其主名顧遣編具在成數可稽綜爲一篇以著興替平陂之跡俾後之增新邑復舊規者有所考焉

一軍府所司旣多蒙地茲編所哀更得數冊及於諸藩其中山川名邨鎮名之類大抵佶屈聱牙不譯則是編如响嘯宛委不可讀矣因輯爲方言一書至人名官名雖三史國語不獲本義第證其傳聞之誤無多訓故其各本字形之差但以字同爲斷不復剖其真

贗至零星引用語隨筆搭記又考之士人爲雜誌一卷綴焉

一史家傳志等序必有一種正大議論藉以起例發凡筆之簡端且將垂訓萬世抑或傳中所不能徧及而餘人餘事餘論又有不可泯然者則簡焉非略繁焉非冗蓋不例之例然也後代作志乘於一門一體必爲之弁文往往浮辭漲墨如棘闥作策冒焉者又或衍爲駢文選體至末語必爲點逗曰志某某甚無謂也茲編旣不敢拘其例而如綏之旗志蒙志事簡而類繁更不俟篇梳而節櫛故爲述其大旨如此

而聯聖...

晴已...

近...

必...

誰...

而...

準...

一...

錄...

...



